

Općinski sud u Goraždu
Broj: 045-0-Su-22-000 142
Goražde, dana 24.02.2022. godine

Strateški plan rada
2022 - 2024
Godišnji program rada
za 2022. godinu
Općinski sud u Goraždu

24.02.2022. godine

SADRŽAJ

A. Uvod

- 1) Opis nadležnosti suda, s vizijom i izjavom o misiji. Mandat, misija i vizija
- 2) Sažetak analize strateškog okvira
- 3) Pregled strateških / trogodišnjih ciljeva za period strateškog planiranja
- 4) Sažetak prioriteta za plansku godinu, kao i procjene mogućih problema i rizika u realizaciji
- 4) Analiza unutarnjeg i vanjskog okruženja u kojem radi sud

B. Pregled ciljeva i godišnjih aktivnosti po strateškim i trogodišnjim ciljevima

C. Godišnji plan rješavanja sudskih predmeta

D. Ostale informacije

A. Uvod

Vladavina prava je osnovna pretpostavka koja omogućava građanima da uživaju svoja prava i slobode. Vladavina prava uspostavlja sistem vrijednosti, kao i pravni i institucionalni ambijent u kojem su prava građana zagantovana i u kojem se mogu ostvarivati.

Kroz ovo strateško planiranje Općinski sud u Goraždu želi dodatno povećati efikasnost i efektivnost, a usluge građanima podići na još veći nivo.

Stručnost, profesionalnost i odgovornost, uz povećanje transparentnosti u radu, je cilj koji želimo ostvariti i predstavlja korake koje je potrebno ispuniti do ostvarenje vizije suda.

Do sada je Općinski sud u Goraždu, uz aktivno učešće svih zaposlenih u sudu postigao visok stepen ažurnosti i kvaliteta rada i odluka, a ovim programom rada cilj je dodatno unaprijediti ažurnost, transparentnost i kvalitet rada i omogućiti jednak pristup pravdi svim korisnicima usluga suda.

1) Opis nadležnosti suda, s vizijom i izjavom o misiji. Mandat, misija i vizija

Mandat Općinskog suda u Goraždu je definiran odredbama člana XX Zakona o sudovima FBiH koji propisuje da je sud nadležan za područje grada Goražde i općina Pale u FBiH i Foča u F BiH.

Općinski sud u Goraždu je nadležan:

1) U krivičnim predmetima:

- a) da u prvom stepenu sudi:- za krivična djela za koja je zakonom propisana kao glavna kazna novčana kazna ili kazna zatvora do 10 godina, ako posebnim zakonom nije određena nadležnost drugog suda;- za krivična djela za koja je posebnim zakonom određena nadležnost općinskog suda;- za krivična djela za koja je Sud Bosne i Hercegovine prenio nadležnost na općinski sud; - u svim krivičnim postupcima protiv maloljetnika;
- b) da postupa tokom istrage i nakon podizanja optužnice u skladu sa zakonom;
- c) da odlučuje o vanrednim pravnim lijekovima kad je to zakonom predviđeno;
- d) da odlučuje o brisanju osude i prestanku mjera sigurnosti i pravnih posljedica osude, na osnovu sudske odluke i
- e) da postupa po molbama za pomilovanje u skladu sa zakonom.

2) U građanskim predmetima da u prvom stepenu sudi:

- a) u svim građanskim sporovima i
- b) u vanparničnom postupku.

3) U prekršajnim predmetima da u prvom stepenu sudi:

- a) u svim prekršajnim predmetima i
- b) odlučuje o zahtjevima za ponavljanje prekršajnog postupka

4) U privrednim predmetima :

- a) u sporovima koji se odnose na prava i obaveze po osnovu pravnog prometa roba, usluga, vrijednosnih papira, vlasničkih i drugih stvarnih prava na nekretninama, te na prava i obaveze proistekle iz vrijednosnih papira u kojima su obje stranke u postupku pravno lice ili fizičko lice koje, u svojstvu samostalnog poduzetnika ili u drugom svojstvu, obavlja privrednu ili drugu registriranu djelatnost u vidu osnovnog ili dopunskog zanimanja;
- b) u sporovima koji se odnose na brodove i na plovidbu na moru i unutrašnjim vodama, te u sporovima na koje se primjenjuje plovidbeno pravo, osim sporova o prijevozu putnika;
- c) u sporovima koji se odnose na avione, te u sporovima na koje se primjenjuje vazduhoplovno pravo, osim sporova o prijevozu putnika;
- d) sporove iz autorskog prava, srodnih prava i prava industrijske svojine;
- e) sporove nastale povodom djela za koja se tvrdi da predstavljaju nelojalnu konkurenciju ili monopolistički sporazum;
- f) privredne prijestupe i
- g) u postupku stečaja i likvidacije, u skladu sa zakonom, kao i u svim sporovima koji nastanu u toku i povodom provođenja postupka stečaja i likvidacije.

5) U drugim predmetima:

- a) da vodi izvršni postupak, ako zakonom nije drugačije određeno;
- b) da određuje mjere osiguranja, ako zakonom nije drugačije određeno;
- c) da rješava u posebnim postupcima, ako zakonom nije drugačije određeno;
- d) da obavlja zemljišno-knjižne poslove u skladu sa zakonom;
- e) da pruža pravnu pomoć sudovima u Bosni i Hercegovini;
- f) da vrši poslove upisa u registre pravnih lica i
- g) da vrši druge poslove određene zakonom.

Vodi postupke u prekršajnim predmetima iz oblasti poreza za područje cijelog kantona.

VIZIJA Općinskog suda u Goraždu je pravedan, efikasan i transparentan sudski sistem.

MISIJA Općinskog suda u Goraždu je osigurati svim građanima da što brže, u što kraćem vremenskom periodu, ostvare svoje pravo – pravo na pristup sudu i kvalitetnu sudsku odluku.

2) Sažetak analize strateškog okvira

Općinski sud u Goraždu će se prilikom ostvarivanja svojih trogodišnjih ciljeva voditi sljedećim strateškim dokumentima:

- Reformski program VSTV-a za period 2021.- 2023. godine,
- Srednjoročni plan rada VSTV-a BiH za period od 2021. do 2023. godine,
- Srednjoročni plan rada VSTV-a za period 2022.-2024. godine,
- Strategija za reformu sektora pravde u Bosni i Hercegovini za period od 2014. do 2018. godine,
- Izvještaj stručnjaka o pitanjima vladavine prava u Bosni i Hercegovini.

3) Pregled strateških i trogodišnjih ciljeva za period strateškog planiranja

Prioriteti Općinskog suda u Goraždu su postizanje potpune ažurnosti i efikasnosti u radu, poboljšanje kvaliteta odluka, te povećanje uvida javnosti u rad suda. U tom cilju, kroz strateške ciljeve u trogodišnjem periodu Općinski sudu u Goraždu će da održi trend ažurnosti i efikasnosti, te javnosti predstavi svoje rezultate rada.

U okviru prvog strateškog cilja „Unaprjeđenje efikasnosti i efektivnosti“, planira se povećati omjer riješenih predmeta u odnosu na broj predmeta u radu za 3%: sa 61% na 64%, što je za 2022. godinu poseban izazov, jer sud funkcioniše sa 3 sudija i jednim stručnim saradnikom.

Strateški cilj unaprjeđenje kvaliteta sudskih odluka podrazumijeva održavanje i poboljšanje kvaliteta sudskih odluka, odnosno povećanje kvaliteta odluka u iznosu od 3% u trogodišnjem periodu u odnosu na ukupan broj ožalbenih odluka. Procenat potvrđenih odluka u odnosu na broj ožalbenih odluka u 2021. godini je iznosi 78%, tako da je planirano da se u narednom periodu poveća za 3%.

Trećim strateškim ciljem želimo unaprijediti i javnosti predstaviti rezultate rada suda, ali isto tako značaj i ulogu koju sud kao institucija zauzima u našem društvu. Zato su planirani dani otvorenih vrata, sa ciljem predstavljanja i otvaranja suda mlađoj populaciji, kojima će se u saradnji sa srednjoškolskim i visokoškolskim ustanovama omogućiti prisustvo suđenjima koja se vode u ovom sudu.

Većim brojem objavljenih tekstova, javnosti će se omogućiti detaljniji uvid u rad suda i njegovu ulogu u BH društvu.

Imajući u vidu da svi građani nemaju mogućnost pristupa elektronskim medijima Sud će kroz edukaciju i podsticanje uposlenika sudske pisarnice omogućiti građanima da u sudskoj pisarnici prikupe informacije na koji način će ostvariti svoje pravo na pristup sudu, koliko koštaju sudske takse, i sl. Takođe, obraćanje sudu, u svrhu izdavanja odgovarajućih uvjerenja olakšat će se tipskim zahtjevima kojima će građani moći pristupiti ne samo putem elektronske stranice suda već i u samoj sudskoj pisarnici.

4) Sažetak prioriteta za plansku godinu, kao i procjene mogućih problema i rizika u realizaciji

Prioriteti Suda u 2022. godini su:

1. povećanje broja mjesečnih predmeta u odnosu na broj predmeta u radu,
2. povećanje kvaliteta i
3. transparentnost i omogućavanje javnosti da se upozna sa radom Suda.

Nakon što Visoko sudsko i tužilačko vijeće Bosne i Hercegovine okonča konkursnu proceduru i izabere nosioce pravosudnih funkcija u Općinskom sudu u Goraždu, izabranim nosiocima bit će izazov rad na svim referatima u Sudu. Naime, zbog specifičnih okolnosti u kojima se nalazi ovaj Sud, priliva predmeta, broja nosilaca pravosudnih funkcija, od nosilaca pravosudnih funkcija u ovom Sudu se očekuje da rade na svim referatima. Navedeno onemogućuje specijalizaciju sudija, što bi u konačnici moglo dovesti u pitanje ažurnost i kvalitet rada Suda.

Izazov u 2022. godini će biti i popunjavanje i obučavanje nesudskog osoblja, prije svega Viših referenata za operativno – tehničke poslove (daktilografa).

Sud još uvijek nije dobio saglasnost od Vlade Bosansko – podrinjskog kantona Goražde za raspisivanje konkursa za 4 radna mjesta Viših referenata za operativno – tehničke poslove (daktilografa). To znači da u ovom momentu u Sudu nedostaje više od polovine daktilografa (5 od predviđenih 8). Neadekvatan broj daktilografa bi mogao ugroziti održavanje ročišta, a time i ažurnost rada Suda.

Realizacija strateških ciljeva i planiranih aktivnosti će zavisiti od popunjenosti Suda sudačkim kadrom i nesudskim osobljem ali i od epidemiološke situacije u Bosni i Hercegovini.

4) Analiza unutarnjeg i vanjskog okruženja u kojem radi sud

UNUTARNJI FAKTORI/ČIMBENICI	SNAGE (STRENGTHS)	SLABOSTI (WEAKNESSES)
	✓ Sudije sa kompetencijama ✓ Stabilna finansijska sredstva ✓ Visok stepen ažurnosti ✓ Efikasni i odgovorni zaposlenici ✓ Kvalitetna IT podrška ✓ Dobra međusobna saradnja ✓ Kooperativnost u radu	✓ nedovoljan broj sudija (trenutno nedostaje četvero sudija) ✓ Mala primanja zaposlenika suda ✓ Nepopunjenost sistematiziranih radnih mjesta nesudskog osoblja, osobito daktilografa ✓ Nedostatak obuke administrativnog osoblja
VANJSKI FAKTORI/ČIMBENICI	PRIJETNJE (THREATS)	PRIJETNJE (THREATS)
	✓ Redovno finansiranje iz budžeta ✓ Mediji	✓ Mogućnost većeg priliva predmeta ✓ Odlazak zaposlenika nesudskog osoblja na bolje plaćena radna mjesta ✓ Nedostatak finansijskih sredstava posebno u dijelu osiguranja popunjenosti sistematiziranih radnih mjesta za nesudsko osoblje ✓ Ograničenja u radu radi pandemije COVID 19 ✓ Nedovoljan broj sudija

Nakon provođenja konkursne procedure od strane Visokog sudskog i tužilačkog vijeća Bosne i Hercegovine dvoje sudija ovog suda je od 15.02.2021. godine angažovano na poslovima sudije Kantonalnog suda u Goraždu, a dana 20.03.2021. godine predsjednik suda je preminuo, tako da je u vrijeme izrade ovog programa rada u sudu angažovano svega troje sudija od kojih je jedan počeo sa radom 15.08.2021. godine i jedan stručni saradnik koji je započeo sa radom dana 01.03.2021. godine.

Trenutno je u toku konkursna procedura za imenovanje troje sudija, dok za preostalo jedno nepopunjeno sudijsko radno mjesto još uvijek nije raspisan konkurs od strane Visokog sudskog i tužilačkog vijeća Bosne i Hercegovine.

Također, nije raspisan konkurs za popunu 4 radna mjesta Viših referenata za operativno – tehničke poslove (daktilografa). U slučaju većeg priliva predmeta resursi sa kojima raspolaže Sud ne bi bili dovoljni za ažurno i kvalitetno rješavanje predmeta.

B. Pregled ciljeva i godišnjih aktivnosti po strateškim i trogodišnjim ciljevima

Strateški cilj 1		Unaprjeđenje efikasnosti i efektivnosti pravosudnih institucija u BiH		
Trogodišnji cilj 1.1.		Povećati procenat riješenih predmeta u odnosu na broj predmeta u radu za 3%		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Broj riješenih CMS predmeta povećan za 3% u odnosu na broj predmeta u radu na kraju prethodne godine		62%	63%	64%
Redni broj	Naziv aktivnosti za 2022. godinu	Rok izvršenja (po kvartalima u 2022. godini)		Nositelj (najmanji organizacijski dio)
1.	Na kraju prvog kvartala analizirati protok i rješavanje predmeta	I		Predsjednik suda, predsjednici odjeljenja, sudije
2.	Izvršiti analizu i ravnomjerno rasporediti predmete svim sudijama	II		Predsjednik suda
3.	Analiza protoka i postupanja po predmetima koji nisu sadržani u Planu rješavanja predmeta	III		Predsjednik suda, sudije
4.	Analiza rješavanja predmeta i donošenje mjera za unaprjeđenje i povećanje broja riješenih predmeta	IV		Predsjednik suda, sudije

Strateški cilj 2		Unaprjeđenje kvaliteta rada suda		
Trogodišnji cilj 2.1.		Povećanje kvaliteta sudskih odluka		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Povećanje kvaliteta sudskih odluka u odnosu na ukupan broj ožalbenih odluka za 3% - Potvrđene odluke na godišnjem nivou		79%	80%	81%
Redni broj	Naziv aktivnosti za 2022. godinu	Rok izvršenja (po kvartalima u 2022. godini)		Nositelj (najmanji organizacijski dio)
1.	Održavanje mjesečnih kolegija radi analize	I - IV		Predsjednik suda, sudije

	sudske prakse, potvrđenih i ukinutih odluka		
2.	Održavanje sastanaka sa Kantonalnim sudom u Goraždu radi ujednačavanja i usaglašavanja sudske prakse	IV	Predsjednik suda, sudije
3.	Dostavljanje odluka drugostepenog i vrhovnog suda svim sudijama i stručnom saradniku	I-IV	Šef sudske pisarnice
4.	Podsticanje nosilaca pravosudnih funkcija da pohađaju edukacije iz oblasti u kojima ima najviše ukinutih odluka	IV	Predsjednik suda, predsjednici odjeljenja
5.	Mjesečni sastanci odjeljenja	I-IV	Predsjednici odjeljenja, sudije

Strateški cilj 3		Unaprjeđenje transparentnosti rada suda		
Trogodišnji cilj 3.1.		Broj objava na web stranici		
Pokazatelji za izlazne rezultate		Očekivani rezultati po godinama		
		2022 (n)	2023 (n+1)	2024 (n+2)
Broj objava na Web stranici povećan za 20%		5	10	15
Redni broj	Naziv aktivnosti za 2022. godinu	Rok izvršenja (po kvartalima u 2022. godini)		Nositelj (najmanji organizacijski dio)
1.	Formiranje web uredništva	I		Predsjednik suda
2.	Redovno ažuriranje web stranice suda	I-IV		Web uredništvo
3.	Na web stranici suda kreirati dio koji će se odnositi isključivo na predmete sudskog registra, stečaja i registracije	I-II		Web administrator
4.	Održavanje dana otvorenih vrata	I-IV		Predsjednik suda
5.	Na zahtjev srednjih škola i fakulteta omogućiti učenicima i studentima prisustvo suđenjima koja se vode u ovom sudu	I-IV		Predsjednik suda, sudije
6.	Educirati uposlenike sudske pisarnice kako bi	I-IV		Šef sudske pisarnice

	pružili informacije strankama koje dođu u sudsku pisarnicu koje se interesuju kako će ostvariti pravo na pristup sudu. Formirati obrasce zahtjeva za brisanje uslovne osude, obrasce za zahtjeva za izdavanje aktuelnog izvoda iz sudskog registra I sl.		
--	--	--	--

C. Godišnji plan rješavanja sudskih predmeta

Plan rješavanja predmeta u sudovima se izrađuje u skladu s važećim Uputstvom za izradu planova rješavanja predmeta usvojenog od strane VSTV-a.

D. Ostale informacije

U Općinskom sudu u Goraždu sistematizovano je 7 radnih mjesta sudija, 1 radno mjesto stručnog saradnika, 3 radna mjesta državnog službenika i 27 radnih mjesta namještenika.

Sredstva za izvršenje godišnjeg programa rada predviđena su budžetom Suda i nisu potrebna nikakva posebna finansijska izdvajanja.